

XCIX In promisso herbarum mirabilium, occurrit *Hympus* *Fig. XXIV*
 aliqua dicere et de magicis. Quae enim mira-
 biliores sunt? Primi eas in nostro orbe celebra-
 vere Pythagoras atque Democritus, consecra-
 ri Magos.

V. . . . Composuit et Democritus, ambo peragratis *Lib. XXV*
 Persidis, Arabiae, Aethiopiae, Aegyptique Magis:
 adeoque ad haec attonita, antiquitas fuit, ut af-
 firmaret etiam incredibile dictu. Xanthus hi-
 storiarum auctor, in prima eorum tradit, occisum
 draconis catulum revocatum ad vitam a paren-
 te *Herba*, quam *balin* nominat. eademque *Thylo-*
nem, quem draco occiderat, restitutum salutis: et
Juba in Arabia *herba* revocatum ad vitam ho-
 minem tradit. Dixit Democritus, credidit Theo-
 phrastus, esse herbam, cujus contactu illatae abe-
 litae, quam retulimus, exiliret cuneus a pastoribus
 arbori adactus: quae etiamsi fide careat, admi-
 rationem tamen implent; coguntque confiteri, mul-
 tum esse quod vero supersit.